

JE TSUO BLO NYA TOMI KE HA ADESA HE BLOHI

NYA TSOOMI

Be abo ne a le odehe si himi ne Mawu bo adesahi tsuo ne a hi si nge je mi, ne e ha no tsuaa no he blohi sosoe, ne no ko be he blo ne e kpoa nge a de o, e ji he jomi ke dami same yemi ke tue mi jomi a sipoku nge je mi.

Be abo ne adesah he blohi a no tue gbomi ke he gue gbemi wo basabasa ni peemihi ke ba gba je o tsuo nya he je o, a ngo no kaa jehane o, adesa maa ye gbeye ke ohia no kunimi, ne e ma na hemi ke yemi ke nya ke tu munyu, ne ene ome ji nimli gu ome a hiami nihi ne pe kulaa.

Be abo ne, ke no ko hewi no ko o, e be gidigidi no ko pee kaa e nyagbe he pulemi no ke si yi kpeti wawe no yemi ke no no nyemi he je o, e he hia kaa a wo mlaa pe ke pee adesa he blohi a he fami no.

Be abo ne kake peemi he hia he je o, e sa kaa a to blo nya ke ha ma ke ma a kake peemi no yami.

Be abo ne Je Mahi A Kake Peemi Kuu o ma a hemi ke yemi no mi ekohu nge Womi o mi, nge adesa he blohi kledex ne e nge, ke odehe ne e ji, ke e he jua wami, ke nyumu ke yo a he blo sosoe ne a hee o, a fia pee si kaa a maa bo mode ne a ha ne adesa kake peemi ke si himi kpakpa ne ya no nge he jomi mi.

Be abo ne mahi ne nge Kake Peemi Kuu o mi wo si kaa a ma pataa Je Mahi A Kake Peemi Kuu o he o, a ngo no ka a ma tsu ni ke na je mi tsuo bumi ke ha adesa he blohi ke e he jomi kledex ome a no yemi.

Be abo ne, loko si womi ne o ma tsu ni o lee no ne he hia pe kulaa ji kaa no fee no ne nu kikeme a he blohi ke he jomi ne ome a sisi.

Jehane o,

Kpe Ngua a ha lemi kaa

Je tsuo Blo Nya Tomi ke Ha Adesa He Blohi ne o,

akene e ji blo nya tomi ke ha nimli adesahi tsuo ke mahi kulaa he je o, no fee no ke asafo tsuaa asafu ne wo kikeme a Blo nya tomi ne o ngo ma e he mi be fee be. E bo e he ni tsumi he mode, e gbo e tsoomi ke tsosemi he dengme, ne e gu blohi ne ma wo no yami ke ba nge mahi ke zugbahi a kpeti no, ke na bumi ha adesa he blohi ke he jomi ke gu ene ome a no loko ji je tsuo, ke mahi ne nge Kpe o mi tete a mi bime ke mahi ne nge a no yemi sisi a mi bime ma yose ne a maa ye no saminya.

Fiemi 1

Adesahi tsuo o, a bo me ne no fee no e ye e he, ne no tsuaa nsoa nge odehe si himi ke he blohi a blo fa mi. A bo me ke no se komi ke he nule juemi, ne e hia kaa no fee no ne e na nyemi suomi ke ha no tsuaa no.

Fiemi 2

No fee no nge he blohi ke he jomi ne a je ngo tsoa nge womi ne o mi a he blo, ne no ko kulaa ko we he ne no ko je he, bo ne no ko e he womi nge, nyumu loo yo ne e ji, gbi ne e tuo, jami mi ne e nge, ma mi sane yemi loo juemi kpa ko ne e hee, ma no loo asafu mi ne e je, weto ni ne e nge, no ko ne koo e fomi loo e blo nya kpa ko ne e hee.

Jehane se hu o, mi gbami ko be ne tsoa kaa nge no ko e ma mi he ne e je he je o, blo nya tomi ne o se e he. Jame a ma a nge e he no yee jio, a nge e no yee jio, e nge he wami ko sisi nge blo ko no jio, e sane yemi ke e mlaa ne e yea, aloo e ke ma kpahi a kpeti blo nya tomi ko we blo nya tomi ne o he no ko kulaa.

Fiemi 3

No fee no nge wami ke he no yemi ke e yiwa nami he fami he blo.

Fiemi 4

A be no ko no ko woe ngo pee nyogwe loo a maa tsi e nya yaka gu. A maa gu nyogwe yemi ke nyogwe jua yemi pesepese.

Fiemi 5

A be no ko piee, ne a be no ko yi kpeti wae. A be no ko basabasa pee, a be no ko he mi si puee, aloo a maa gbala no ko tue bo ne se.

Fiemi 6

Nge mlaa nya a, abu no fee no kaa adesa nge he fee he.

Fiemi 7

No tsuaa no so nge mlaa he mi. Lo o he je o, he blo nge ne mlaa faa no tsuaa no he pepepe ne no mi gbami ko be mi. Mlaa ma fa no fee no he sosoe, nge tue gbomi ne maa te si ke si no mi hlami ne a tsi to nge womi ne o mi, aloo no ko ne ma wo no mi hlami ke ba a blo fa mi.

Fiemi 8

He blo nge ha no fee no, ne Amlaalo o e kojoli kpakpahi a dlaa ne a kojoo e sane o haa le, ke munyu ko maa te si ke si he blohi kledex ne mlaa ke ma no yemi mlaa haa le o.

Fiemi 9

He blo be ne a nuu no ko gu, aloo a tsio no ko nya nge polisihi a nine no, aloo a fieo no ko ke jee e ma mi ne sisi numi be he.

Fiemi 10

No tsuaa no nge he blo sosoe ne kojoli ne hee a he, ne a be godagodo maa kojpe sane ha le pepepe ke kaa e na sane ko ne koo e he blohi loo e blo nya ni tsumi ko, aloo a ngo mlaa tomi ne koo awi yemi sane ko ke si le.

Fiemi 11

No fee no ne a ma wo sane ne hee tue gblami ke si le o, a maa ngo kaa e yi fo ke ya si a maa kojo le nge ma he mi ne a maa bu le fo nge mlaa nya bene e na e he fami he blo tsuo ta.

A be no ko fo bue ke e to mlaa ne hee tue gblami, bene no ne e pee o tsoa we mlaa tomi nge ma mlaa, loo mahi a kpeti mlaa ne nge no yee jame a be o mi. He blo hu be kaa a gblaa mlaa tolo tue pe bo ne mlaa no ne nge no yee jame a be o mi haa he blo.

Fiemi 12

He blo be ne a woa nya ngo wo no ko e kaka mi sane loo e weku munyu, e we mi loo e womi mi munyuhia mi bo ne se, aloo a gbee e he gue ke puea e blo nya ne e hee. He blo nge ha no fee no ne mlaa ma fa e he nge nya womi ke e sanehi a mi womi ke e he gue gbemi blo fa mi.

Fiemi 13

No fee no nge he blo ne e kpaa si ke yaa he ne e suo, ne e hii he ne e suo nge zugba no he ne e nge o.

No fee no nge he blo ne e sio ma tsuaa ma mi, ke le nitse e ma tete ne e kpalea ke yaa e ma mi.

Fiemi 14

No fee no nge he blo ne e ya dumoo ma kpa ko ke ji kaa a nge e mi kpatami he blo hlae.

Ke ji a wo sane ne da blo ne ko we ma mi sane yemi he, loo Je Mahi A Kake Peemi Kuu o si womihi ke blo nya tomihi a he o, lee kikeme a he blo ne o, a be no ngoe.

Fiemi 15

No fee no nge he blo ne e peeo zugba tsuaa zugba no ne e nge o no no.

Blo be kaa a kpoa no ko he blo ne peeo le ma ko no no nge e de ne sisi numi be he, aloo a ko ngme no ko blo ke kaa e suo ne e ma ple e he ma ko no no.

Fiɛɛmi 16

Nyumuhi kɛ yihi nɛ su nihe kɛ zangma mi ɔ́, a nɛ he blɔ nɛ a ngɔɔ a bi konɛ a wo weku, nɛ wetso loo ma nɔ nɛ a ti nɔ ko je loo jami mi nɛ e nɛ, tsí mɛ blɔ kulaa. A hɛɛ he blɔ sɔsɛ nɛ gbami mi semi kɛ gba si himi kɛ gba mi pomi blɔ fa mi.

A nɛ he blɔ nɛ a sɛɛ gba si himi mi kɛ ji kaa mɛ nihi enyɔ ɔmɛ nɛ a nɛ a bi ngɛɛ ɔ, a na nɔ kplɛɛmi.

Nyumu kɛ e yo a si himi ji adebo nɔ́ kɛ weku nɛ ba peɛ wetso e sisi jemi. Lɔ ɔ he je ɔ, a hia asafo kɛ ma tsuo yemi kɛ buami.

Fiɛɛmi 17

Nɔ fɛɛ nɔ nɛ he blɔ nɛ e hii weto ni, lɛ nɔ kake, aloo e kɛ ni kome.

He blɔ be nɛ a hɛɔ nɔ ko e weto ni nɛ e dɛ nɛ sisi numi be he.

Fiɛɛmi 18

Nɔ fɛɛ nɔ nɛ he blɔ nɛ e peɛɔ nɔ nɛ e susumi kɛ e he nile kɛ e jami deɔ lɛ. E nɛ he blɔ hu nɛ e tsakeɔ e jami loo e hemi kɛ yemi, aloo e fieɔ e jami loo e hemi kɛ yemi ngɔ tsɔɔ nɛ ma nɔ loo laami mi, nɛ e tsuo e jami he ni, lɛ nɔ kake loo nɛ juami mi.

Fiɛɛmi 19

Nɔ fɛɛ nɔ nɛ he blɔ nɛ e jeɔ e juemi kɛ e susumi kpo kɛ tsɔɔ. He blɔ he nɛ nɛ a kpeɔ kɛ ha níhi a he susumi, nɛ a hlaa nɛ a naa nɔ́ ko nɛ a nɛ hlae nɛ a lɛ ɔ kɛ jee he tsuaa he, nɛ nya tsimi ko be he, nɛ a gbɛɛ kɛ fiaa nɛ blɔ fɛɛ blɔ nɔ, nɛ nɔ demi loo huzu tsí nya.

Fiɛɛmi 20

Nɔ fɛɛ nɔ nɛ he blɔ kɛ ha kpe peemi kɛ he nya buami nɛ tue mi jɔmi mi.

He blɔ be nɛ a nyɛɛ nɔ ko nɔ kɛ ha kpe ko mi semi.

Fiɛɛmi 21

Nɔ fɛɛ nɔ nɛ he blɔ nɛ e peɛɔ e ma mi Amlaalo loo ma nɔ yeli ɔmɛ a kpeti nɔ kake, aloo e hlaa nihi kɛ daa e nane mi.

Nɔ fɛɛ nɔ nɛ he blɔ sɔsɛ nɛ e ma mi Amlaalo ni tsumi mi.

Ma bime a suɔmi nya ni ji he wami nɛ Amlaalo ɔ maa da kɛ tsu ni. Ma bi ma je a suɔmi nya ni kpo ngɔ tsɔɔ kɛ gu nɔ tsuaa nɔ sɔ fɔi loo nihi a hlami nɔ nɛ golaa mi kɛ anɔkuale blɔ nɔ be fɛɛ be, aloo kɛ gu nɔ hlami blɔ nya tomi kpa ko nɔ nɛ nɔ nyemi be mi.

Fiɛɛmi 22

Akenɛ nɔ tsuaa nɔ ji juami mi no he je ɔ, e nɛ he blɔ nɛ ma puleɔ e he nɛ e susuo e he, nɛ nɔ he mi hyemi be mi, nɛ sika kɛ si himi kɛ kusumi he blɔhi a blɔ fa mi, nɛ lɛ ma a nitse e mɔde bɔmi kɛ e kɛ mahi a kake peemi blɔ nya tomi kɛ e he wami nya.

Fiɛɛmi 23

Nɔ fɛɛ nɔ nɛ he blɔ nɛ e tsuo ni tsumi nɛ e suɔ. E nɛ he blɔ kɛ ha ni tsumi he blɔ nya tomi kpakpa kɛ e ni tsumi he pulemi nɛ e ko je e dɛ.

Nɔ fɛɛ nɔ nɛ he hɔwo sɔsɛ nɛ ni tsumi fiee nɛ a ma tsu he, nɛ nɔ he mi hyemi be mi.

Nɔ fɛɛ nɔ nɛ nɛ ni tsue ɔ, e nɛ he blɔ nɛ e naa hɔwo kpakpa bɔ nɛ maa hi ha e kɛ e yo kɛ a bime a si himi saminya kaa nimli adesahi, nɛ kɛ e he hia a, e sa nɛ e sa ni kpahi hulo kɛ ha a he bumi.

Nɔ fɛɛ nɔ nɛ he blɔ nɛ e peɛɔ ni tsuli a kpe aloo e kɛ e he woɔ eko mi konɛ e kɛ pule e he blɔhi loo e suɔmi nya nihi a he.

Fiɛɛmi 24

Nɔ fɛɛ nɔ nɛ he blɔ nɛ e naa ngmlefia saii nɛ e ni tsumi be mi kɛ joo e he. E nɛ he blɔ hu nɛ e naa ligbihi abɔ nɛ a to he blɔ nya kɛ ya joo e he. E nɛ he blɔ hu nɛ e naa ligbihi abɔ nɛ a to he blɔ nya kɛ ya joo e he be kome, nɛ a je we nɔ́ ko nɛ e hɔwo mi.

Fiɛɛmi 25

Nɔ fɛɛ nɔ nɛ he blɔ nɛ e naa si himi kpakpa kɛ haa lɛ nitse kɛ e yo kɛ a bime a yiwa nami. Níhi nɛ he hia mɛ ji niye ni, heha nɔ́, hi he, hɔ tsami, heja jemi níhi, he blɔ kɛ ha yemi kɛ buami kɛ kaa e ni tsumi je e dɛ, kɛ e nu hɔ aloo oslaa ko ye lɛ, e nɛ aho si himi, e bwɔ aloo e sɛ pimi si himi ko mi bɔ nɛ e be nyɛɛ e he mɔde bɔmi.

Yifɔyihi kɛ jokuewi hia nɔ hyemi kɛ yemi kɛ buami pɔtɛɛ. Yo kpeekpee bi jio, pla bi jio, mɛ tsuo a hia nɔ hyemi sɔsɛ.

Fiɛɛmi 26

Nɔ fɛɛ nɔ nɛ he blɔ nɛ e kasemi he blɔ. A be ni kasemi he hɔ woe, titli ɔ nɛ sisiije sukuu kɛ nɔ́ nɛ fie lɔ ɔ se ɔ. Jokuewi a sukuu yami maa pee nɔ nyemi sane. A ma ha nɔ tsuaa nɔ nine nya ni tsumi kɛ ni tsumi kpa amɛ a kasemi he blɔ, nɛ ni kasemi he nɛ ya he mi ɔ hu maa hi si kɛ ha nihi nɛ a maa hla mɛ nɛ a mɔde bɔmi nya.

Ni kasemi ma tsɔsɛ nɔmlo adesa nɛ e maa je blɔ kɛ ha adesa he blɔhi a bumi kɛ he jɔmi. E maa je blɔ kɛ ha he lo sisi numi kɛ tsui si tomi kɛ hue bɔmi, bɔ nɛ pee nɛ kake peemi nɛ ba je mi tsuo, konɛ mi gbami nɛ baa nɛ jami kɛ nɔmlo blɔ fa mi nɛ e gu. E maa ye hu kɛ bua Je Mahi A Kake Peemi Kuu ɔ nɛ e ni tsumihi a mi nɛ tue mi jɔmi nɛ hi si be fɛɛ be.

Fɔli nɛ sa nɛ a tsɔɔ ni kasemi nɛ he hia a bime.

Fiɛɛmi 27

Nɔ tsuaa nɔ nɛ he blɔ faa nɛ e kɛ e he woɔ ma kusumi ni peemi níhi a mi, konɛ a mi ni tsumi, níhi a si kpami kɛ se nami ɔ, lɛ hu e na eko.

He blɔ nɛ kɛ ha nɔ fɛɛ nɔ bie kpakpa kɛ e suɔmi nya ni he fami, nɛ níhi a si kpami loo womi ngmami loo ga ni tsumi ko nɛ e ma tsu blɔ fa mi.

Fiɛɛmi 28

Nɔ tsuaa nɔ maa ye kuu mi nɛ e nɛ ɔ kɛ mahi tsuo a kpeti mlaa mɔ, konɛ he blɔhi kɛ he jɔmi a he blɔ nya nɛ a to nɛ womi nɛ ɔ mi ɔ, e ye manye.

Fiɛɛmi 29

Nɔ tsuaa nɔ nɛ e blɔ nya ni tsumi nɛ e sa nɛ e tsu nɛ kuu mi nɛ e nɛ ɔ, leje ɔ se si himi nɔ yami maa je.

Nɛ nɔ fɛɛ nɔ e he blɔhi kɛ he jɔmi nami a he ni tsumi blɔ fa mi ɔ, e ko pee nɔ́ ko nɛ maa be mlaa he, bɔ nɛ pee konɛ e na bumi kɛ ha ni kpahi hu a he blɔhi kɛ he jɔmi, nɛ e hɛɛ je mi bamí kpakpa kɛ ma tue bumi, nɛ e na nɔ tsuaa nɔ he juemi kpakpa nɛ ma si himi he nɛ nɔ fɛɛ nɔ hɛɛ e blɔ nya nɛ ɔ mi.

Kikemɛ a he blɔhi kɛ he jɔmi nɛ ɔmɛ ɔ, nɔ ko be he blɔ nɛ e tsuo he ni bɔ nɛ tsa pi ja nɛ Je Mahi A Kake Peemi Kuu ɔ e blɔ nya tomi kɛ e yi mi tomi tsɔɔ.

Fiɛɛmi 30

Nɔ́ ko nɔ ko be womi nɛ ɔ mi nɛ a maa ngɔ kaa e haa ma pɔtɛɛ ko, loo kuu ko loo nɔ ko he blɔ jo, nɛ e pee nɔ́ ko nɛ e juemi ji kaa e ma kɛ pue he jɔmi kɛ he blɔhi nɛ a ngma kɛ wo womi nɛ ɔ mi ɔ a kpeti eko.